

inuti. & ignari mysterium loquebantur. eo quod
magnum patris de filio testimonium resultabat.
In iob quoque libro scriptum dicitur. firmamentum quoque
tonitruum sui quiescit quando facietur. Utique si ad hec
commotionum celestium tonitrua pertinere. non
futura eorum firmamenta. sed facta dixisset.
Ergo tonitrua ad sermones dirigitur. quorum in
omnem terram exiit sonus. Spiritum autem hoc loco
animam quam suscepit rationabilem. atque perfectam
intelligimus. quia scriptura frequenter. &
animam hominis spiritus uocabulo designauit. Sicut
habes. qui creat spiritum hominis. In se ipso uidelicet dominus.
animam suam. spiritus appellatione significans ait.
In manus tuas commendo spiritum meum. Et ut scires
quia de ihesu domini descensione memorauit. addi
dit quod adnuntiaretur in homines christum suum.
Adnuntiavit enim in baptismo dicens. tu es
filius meus dilectus. in quo bene complacui. Ad
nuntiavit in monte dicens. hic est filius meus dilec
tus. ipsum audite. Adnuntiavit in passione.
cum sol recessit. maria terreque tremuerunt. Ad